

## „ჯიპიაი ჰოლდინგი“ მოგზაურობის მსურველებს კოვიდ დაზღვევის პაკეტს სთავაზობს

- სამოგზაურო და კოვიდ დაზღვევა ერთ პოლისში.
- ახალი სადაზღვევო პაკეტი მოგზაურობისას კოვიდის დიაგნოსტიკებისა და მკურნალობის ხარჯებს ფარავს.
- შემომსვლელი ტურისტები ჯიპიას კოვიდ დაზღვევის შეძენას საზღვარზე შემოსვლისთანავე შეძლებენ

28 ივლისი, თბილისი: „ჯიპიაი ჰოლდინგი“ მომხმარებლებს ახალ პროდუქტს - კოვიდ დაზღვევას სთავაზობს. პროდუქტის მთავარი უპირატესობა ისაა, რომ აერთიანებს სამოგზაურო და კოვიდ დაზღვევას.

როგორც კომპანიაში აცხადებენ, სტანდარტულ სამედიცინო მომსახურებებთან ერთად, ამ დაზღვევის შეძენისას მომხმარებელს საშუალება ექნება საზღვარგარეთ ყოფნისას საექვო სიმპტომების აღმოჩენის შემთხვევაში, ჯიპიას პროვაიდერ საერთაშორისო სამედიცინო ცენტრებში ჩაიტაროს კოვიდის დიაგნოსტიკა და გართულების შემთხვევაში იმავე კლინიკაში იმკურნალოს.

კომპანია კოვიდ დაზღვევას საქართველოში ჩამოსულ ტურისტებსაც ხელმისაწვდომ ფასად სთავაზობს. საერთაშორისო ვიზიტორები ჯიპიას სადაზღვევო პაკეტის ყიდვას საზღვარზევე, ქუთაისისა და თბილისის აეროპორტებში და მომსახურე ტურისტულ სააგენტოებში შეძლებენ. საექვო სიმპტომების აღმოჩენის შემთხვევაში კი პარტნიორ კლინიკებში კოვიდის დიაგნოსტიკებისა და მკურნალობის ხარჯებს ჯიპიაი დააფინანსებს.

ახალი კომბინირებული პროდუქტის შესაძენად ქართველმა მომხმარებლებმა უნდა დარეკონ ჯიპიას ცხელ ხაზზე. კოვიდ დაზღვევის შეძენა ასევე შესაძლებელია პარტნიორ ტურისტულ კომპანიებში. პოლისით სარგებლობა 1-დან 70 წლამდე ნებისმიერ პირს შეუძლია. პოლისის გასააქტიურებლად კი დაზღვეულმა მინიმუმ 7 დღიანი პაკეტი უნდა შეიძინოს.

ჯიპიაი ჰოლდინგის ახალი კოვიდ დაზღვევის შეძენა დღეში 5 ლარიდან შეგიძლიათ. პროდუქტის ღირებულება დასაზღვევი დღეების მატებასთან ერთად იკლებს და კიდევ უფრო ხელმისაწვდომი ხდება. კომპანიის კომბინირებული სამოგზაურო დაზღვევის პაკეტი ფარავს გადაუდებელი სამედიცინო მომსახურების ხარჯებს საზღვარგარეთ ყოფნისას, მაგალითად: საკვებით მოწამვლა, ტრავმა, მოტეხილობა, ალერგია და ახლა უკვე Covid 19 ით გამოწვეულ სამედიცინო ხარჯებსაც. პოლისი მოქმედებს მთელ მსოფლიოში და ითვალისწინებს ანაზღაურებას 50 000 EUR/USD ფარგლებში.